

Poáh-kiáu Chhut-thâu-thiⁿ

Tân Lúi

2000

Nã-sĩ kóng khí Saⁿ-táu ê kòe-khì, chhù-bī-tāi chin chē, m̄-nã sĩ Ông-iâ-keng hia-ê lāng bat i bat kah ũ chhun, chha-put-to kui Môa-tāu tō lóng lāng-lāng chai-iáⁿ i ê miâ.

Goân-in tãi-khai ũ kúi-chân, kî-tiong 1-chân, sĩ i tī Ông-iâ-keng-kháu tiam phê-ê, pó hō-soàⁿ, kàu-taⁿ sū-giáp 30-nî, ki-sút it-liû, chit-ê sêng-chiū ũ chhut-miâ. Nã beh phêng kang-hu, siông kán-tan sĩ khoàⁿ i hit-siang ơ-phê-ê, Kim-seng--á chhêng m̄ tīⁿ, i kâ khioh-lâi siu-lí, āu-chan têng koân khí--lâi, siông chió 1-nî 1-pái chhêng khi khoàⁿ lāng ê sin-niû-lé, kiat-kó khoàⁿ--khí-lâi ná sin--ê, bô-lāng jīn ē chhut--lâi. Kòe--lâi 1-chân sĩ koan-hē tiòh i ê miâ, thiaⁿ kóng sĩ i ê a-má hō--ê. Sĩ án-choáⁿ 3-táu tú-tú hó, bô khah chē iā bô khah chió, ah che lán tō m̄-chai lah. Kiám-chhái Saⁿ-táu ê a-kong kũ-si khui bí-ká, i ê lâu-bú sĩ i hit-si, tui-tui ũ lāng-kheh lâi tiām--nih tiáh bí 3-táu, án-ni sng sĩ i jīn-seng chit-khai-sí tō ũ 1-ê chin-hó ê chhái-thâu, hō lâi chò miâ? Tân-sĩ Ông-iâ-keng hia bat i bat kah ũ-chhun ê lāng lóng án-ni-siⁿ kóng, Saⁿ-táu--ê chór-sian bô lāng khui bí-ká, só-í góa khoàⁿ, chit-ê tiáh-bí 3-táu ê lí-lūn sĩ bô-hoat-tō sêng-lip.

Chòe-kīn ũ lāng thiah-phò^a kóng, Saⁿ-táu--ê it-seng chù-tiāⁿ 2-ê kiap: chhōa-bó 1-ê kiap, tēng-kí chūn-khoán koh 1-ê kiap. Saⁿ-táu--ê chhōa Hó--á chin-chêng, kang-khòe khin chò, thàn 1-khơ chhun 1-khơ, thàn 10-khơ chhun 10-kơ, iàu-kín thèh khi Háp-chok-kim-khòe khng tēng-kí. Pún-lâi chit-hāng tãi-chi bô-lāng chai, chiū-si Saⁿ-táu ê hó-pēng-iú Kim-seng--á, i tī Háp-chok-kim-khòe chiáh thâu-lō chò chhut-láp, kâ i iāng--chhut-khì, kóng Saⁿ-táu tī Kim-khòe tēng-kí--ê khng kúi-10-bān tú kúi-10-bān. Góa khoàⁿ chit-ê hong-siaⁿ chē-chió Hó--á in-tau ê lāng ũ thiaⁿ--tiòh, chiaⁿ ē chhin-chiāⁿ 1-ê kóng tō sêng. Hó--á sĩ lán chia thè lāng cheng kam-chiā chhut-sin--ê, kè--lâi ê sĩ kan-taⁿ 1-khơ lāng, lāng tīⁿ chhui tīⁿ, kè-chng bô poàⁿ-hāng.

Nã-sĩ kóng khí Kim-seng--á, chhù-bī-tāi iā-si chin chē, m̄-si kap Saⁿ-táu--ê chhōa-bó ũ koan-hē. Hó--á chhōa--lâi liáu-āu, Kim-seng--á tiāⁿ-tiāⁿ lâi in tau chē, chē-chió ôe 1-kóa hō Hó--á thiaⁿ: “Chang-hng tī Sin-iāⁿ kap Hông--á iāⁿ beh kah saⁿ-si-cháp-bān... Choh--jit tī Tâi-tiong kap Ông--á iāⁿ chit-nng-pah-bān...” Hó--á chit-ê lāng, kóng sĩ cheng kam-chiā chhut-sin--ê, tân-si chhù--nih ũ poáh-kiáu-té,

Kim-seng--á chia-ê òe kap chhù-nih in-pâ ê kháu-khì koh chin sio-siâng, tùi Kim-seng--á chū-jiân tō u 5-hun í-siōng ê chun-kèng, tùi Saⁿ-táu--ê tō ũ 5-hun í-siōng ê oàn-chheh, “Pīⁿ-pīⁿ án-ne chò-lâng, in thàn-chīⁿ sng bân--ê, lán thàn-chīⁿ sng khō--ê.” Tùi tiam phê-ê pō hō-soàⁿ ê sū-giáp chiām-chiām sit-khì thoân-thóng ê sin-sim. Saⁿ-táu--ê kiàn nā biō-kháu tng--lâi, i png bô chú, châu-kha bô khoán, chhēng gū-á-khò pok 1-ki hun, tī mng-kháu tō kâ loân, “Kim-seng--á kap Hông--á tī Sin-iâⁿ iâⁿ saⁿ-sì-cháp-bân...”

Saⁿ-táu--ê bē-kham-tit i lō, chò-lâng hoán-séng, siūⁿ kòe-lâi siūⁿ kòe-khì, chit-ê cheng kam-chià--ê kóng liáu iâ ũ lí. Góa kan-khó biō-kháu chò 1-ní, khah su Kim-seng--á kiáu-keng poah 1-mí. Nā Kim-seng--á kóng--ê, in teh ī kiáu, su sī sió-chīⁿ, iâⁿ sī tōa-chīⁿ, 10-pái iâⁿ 1-pái chiū sng ē hō ah. ...Nā kiâⁿ ná siūⁿ, tú-hó tiám-kha lâi-kàu kim-á-tiám, oat leh tō jip--khì... Kim-á-tiám ê thâu-ke Sam-lông siók-miâ hō-chò Ku, sī lán ke--nih tãi-ke-lòk ê tōa-ki thiâu-á-kha, téng-bīn ũ sió-chơ-thâu, koh téng-bīn ũ tōa-chơ-thâu, koh khí--nih chiū bô-lâng chai-iâⁿ sī siáⁿ-mih-thâu.

Ku--á kiò 1-siaⁿ “Lâi chē,” sim-lâi siūⁿ, lí chit-ê m̄-chiâⁿ Táu--á, chū góa khai-giáp í-lâi, lí khoàⁿ góa chit-keng tiám ná chhát-siū, m̄-bat tãh jít-lâi chit-kha-pō, kin-á-jít sī siáⁿ-mih kùi-sū? Bák-chiu sió lió--leh, chit-ê bí-táu-bīn--ê thâu-khak-téng ũ 1-chhok kí-kòai ê êng-kng, tòe i sin-iâⁿ lâi-lâi khì-khì, tō-sī jīn-chi-chhơ poah-kiáu khui-sat-kài ê khì-sek. Chit-chióng cheng-thâu i khoàⁿ chin chē, sng--lâi sī tiòh chīⁿ-siáu tē-it-kí. Bong 1-ki hun chhut-lâi chhiáⁿ i, kóng án-ne, “Lán chia i tãi-ke-lòk, su sī sió-chīⁿ, iâⁿ sī tōa-chīⁿ, 10-pái iâⁿ 1-pái tō sng ē hō ah!” Siáⁿ-siáⁿ chit-kù òe kap Kim-seng--á kóng--ê kâng-khoán kâng-khoán, Saⁿ-táu--ê sim khah tiâⁿ, táⁿ tō chãi, pài-thok Ku--á keng 1-ki bēng-pài, tōa-sim-koaⁿ chò 1-ê tō chhiam 3-tiuⁿ.

Kim-seng--á hit-jít tī Tâi-tiong su hia-ê chīⁿ, chóng-siâu pah-gōa-bân, m̄-kú m̄-sī i ê chīⁿ. Kim-seng--á tī Kim-khòe chiáh thâu-lō chò chhut-láp, poah-kiáu bián pún-chīⁿ, chū-chá tō ũ chit-ê sip-koàn. Ī kiáu nā khiām-chīⁿ, tō-sī Kim-khòe seng thêh, poah iâⁿ ka-tī khai, poah-su m̄-bián hēng. Hit-jít chīⁿ su liáu, thâu-khak ma-se ma-se, tō bô-siáⁿ thang tōa-hoân-ló ê tãi-chì. Bô-siūⁿ-tiòh hông-hun-àm tng--lâi kàu Môa-tâu, ke--nih sap-sap teh lōh-hō, kiâⁿ kòe Kim-á-tiám, chit-tōa-tui lāng ká-ká-kún. Óa khi kâ khoàⁿ, téng-á-kha pōng-tiòh chit-ê a-pô, tō-sī Gô-bah-tang--á in lâu-bú Khiām--á, iâ tī hia hām lāng teh saⁿ kheh. Kim-seng mng a-pô, “Khiām-só--á, ah lí kap lāng teh kheh siáⁿ?” A-pô chhiú kâ giú--leh, “Kim-seng--á, sī lí hōⁿh, kín jip-khì kâ góa chhiam 1-ki lâi.” Chit-pé chīⁿ tō tu hō i khì. Hiau-hēng che hó-miâ a-pô, íóng-kiâⁿ chiáh kàu 78, chhù--nih chīⁿ chit-tōa-tui, pēng-sī khiām kah hī, bah m̄-kam bóe, kóng hó-thiaⁿ sī chiáh tng-nī-chai, án-choáⁿ kin-á-jít lâi tī chia, chiáh tōa-lō, chíⁿ tu hō Kim-seng--á, iâ beh kap lāng tãi-ke-lòk? Mng lō kàu-té, chiah chai-iaⁿ hit-jít Ku--á chia ũ lāng tiòh tōa-pâi, kúi-pah-bân tú kúi-pah-bân, Khiām--á in sin-pū pò--i ê, koáⁿ-kín tòe lāng lâi chhiam 1-ki, chhiúⁿ 1-ê chhái-thâu.

Lēng-gōa Ông-iâ-keng chit-pēng, Saⁿ-táu--ê bô-siūⁿ-tiòh thâu-1-pái ī tãi-ke-lòk chiū tiòh tōa-pâi, thiòng kah lân-hút-á sio-khók, che tãi-ke-lòk sit-chãi ũ sim-sek, jīn-chin chò 1-ê sim-soàn, 1-tiuⁿ 50-bân, 3-tiuⁿ pah-gō-bân, a-niâ--ôe, pí tēng-kí--ê koh khah chē! Chit-sī lāng ũ chīⁿ, miâ tō ē-hiáu beh sioh, táⁿ

soah pìⁿ sè--khì, **lím-sí** tiòh kiàn-siàu-pìⁿ, kiaⁿ khi kìⁿ sèk-sài-lâng, ē beh kā i chioh chíⁿ. Koáⁿ-kín seng-lí siu--khí-lâi, jíp-khì biō lâi-bîn bih, m̄-káⁿ chhut--lâi. Bih kàu hông-hun-àm kòe liáu, thiⁿ teh lòh-hō, khoàⁿ--lâi tōa-ke téng lâng khah hi ah, **liam** kha liam chhiú àn biō--nih sô--chhut-lâi, thâu chhih-chhih, oat jíp-lâi hāng-á lâi, kín-kín siang-kha tiám thō, tō beh tng-khì kā Hó--á pò siau-sit. **Chhiⁿ-kâu** kiāⁿ bô 3-pō, hāng-á-té sùt--1-ê chông 1-chiah **chhiⁿ-kiaⁿ-kúi** lâi. “Ah” 1-ê kiò 1-siaⁿ, thâu pōng thâu, kiaⁿ 1-ê hiám phòa-táⁿ. He kúi-á 1-ê chhiú kā chang--leh, ok-siaⁿ m̄ng, “Láu-sit kóng, iāⁿ kúi-bān?” Saⁿ-táu--ê sim kóng, teh beh cháu, hiông-hiông ē jìn-tit i ē siaⁿ, tūh-lân hō-i kā hian--khí-lâi, iáu-siū Kim-seng--á tō sī lí! Ah lí sī lâi chhòng siáⁿ?! Kim-seng--á siang-chhiú kā liàh--leh m̄ hō cháu, 2-ki pok-gê-á ha-ha chhiò hō khoàⁿ, “Liân góa lí iā teh kiaⁿ siáⁿ?” Chit-niá chhiⁿ hō-i kòa thâu kā khàm--leh, chhin-chhiūⁿ hap 1-chiah ke-bó, liàh kòe 3-tiâu ke, ngē-ngē giú-khì Hái-sán-sū--á hia, kòa Hông--á kòa Ōng--á, 4-ê lâng chit-toh, chē--lòh-lâi lim bì-lù.

Hông--á kap Ōng--á 2-ê ơ-phê, tō-sī pēng-sī hām Kim-seng--á **tàu-khang** ē poah-kiáu-phoãⁿ, 3-ê chò 1-tàⁿ, choan-bûn kap lâng kun bák-chhát-á kóai-chiⁿ. Saⁿ-táu--ê 1-kan bì-lù koàn bē liáu, chiū teh chhut chiú-ōe, che **pān-sè** Kim-seng--á khoàⁿ chāi gán lâi, óa khi sin-piⁿ sè-siaⁿ kā m̄ng, “Láu-sit kóng, iāⁿ kúi-bān?” Saⁿ-táu--ê 1-ki ơ-chhiú bô-sé, chhun chhut-lâi hō khoàⁿ, seng pí 1-ki tōa-thâu-bó, ná ian-chhiang hang hó hiah tōa-tiâu, chiah koh 5-ki chng-thâu-á chóng chhut. Kim-seng--á m̄ng, “Cháp-gō-bān?” Saⁿ-táu--ê khi ài-chhiò, hit-liáp píⁿ-thâu hāiⁿ kòe-lâi, háiⁿ kòe-khì, **giát-siâu** kâng án-ne pí 1-pài hō khoàⁿ. Kim-seng--á bô phah chhiⁿ-kiaⁿ i, koh m̄ng, “Pah-gō-bān?” Saⁿ-táu--ê bô ìn--i, kan-taⁿ it-tit chhiò, **gōng-bīn** hoaⁿ-hí kah chhin-chhiūⁿ hō Âng-bák Ū--á khioh khi chò kiáⁿ-sài. Hit 2-ê ơ-phê chhui-á khui-khui, **bák-chiu-gin** òⁿ-òⁿ chiah tōa-kòng, hoah 1-siaⁿ, “A-niā ôe, che pah-gō-bān lán ná khai ē liáu lah?” Hō Kim-seng--á toh-á-kha tōa-lát that 1-ê, chhui chiah háp--khí-lâi.

Sì-ê lâng chhōa khi Hông--á in siong-hó--ê hit-ê A-súi--á hia poah bák-chhát-á, 3-ê kun i 1-ê, kui-mí ī--lòh-lâi, bô-thêng kàu thiⁿ beh kng, pah-gō-bān kun kah **kng-kng-kng**, chiah pàng i soah. Saⁿ-táu--ê chíⁿ su-liáu-liáu, chiú chiah chíⁿ, thiⁿ-hiáu tng-lâi kàu chhù, keh-piah A-goát-á in chhi--ê **chhiò-ke** teh thi, in bớ tó tī bîn-chhng bák-chiu kim-kim kui-mê bô khùn teh tán--i, 1-kha tǎh jít-m̄ng, pàng gū-siaⁿ chiū kā lé, “Kàn lín-niā! Khi tó sí! Chiāⁿ-sit ũ 2-sián-chiⁿ tō ē khi kā lín-pē lim chiú khai cha-bó, ũ chāi-tiâu, hó-táⁿ lí tō mài tng--lâi.”

Mē 1-tōa-khùn chiah mē kàu-khui, hioh 1-ê chhoán, iū koh mē, “Lín-pē kā lí kóng, he bák-chhát-á lí m̄-bat, m̄-kiaⁿ sí chiah koh khi!” Chiāⁿ-sit sī hiân-chhe liông-giân, Saⁿ-táu--ê chū án-ne tō bô koh khi poah bák-chhát-á, choan-bûn ī tǎi-ke-lòk, kiàn nā pài-2, pài-4 khi Ku--á hia, tō-sī chhiūⁿ jíp-khì Kiú-chhim Bê-hùn-tōng, sin-khu-piⁿ hiân-kim khai liáu-liáu, chiah ũ hoaⁿ-hí kam-goān tò-tng--lâi. Saⁿ-táu--ê bîn-sek jíp--khì sī âng-kòng-kòng, chhut--lâi sī chíⁿ-sún-sún, Ku--á toān-tēng chit-ê tiam-phê-ê--ê tiòh chíⁿ-siáu tē-jī-kí, khng i kóng, “Lí 1-kí kúi-chheng án-ne ī, nah ũ **khah-choah**, lán chia ī tǎi-ke-lòk, iāⁿ lóng sī tōa-chiⁿ, 1-kí ke chhiām--kúi-tiūⁿ, iāⁿ lòh chiah ē kín.” Saⁿ-táu--ê tng--khì chiàu chia-ê ôe kóng

hō Hó--á thiaⁿ, hiân-chhe kóng, “Lín cha-pơ-lâng ná ē chiah gōng? Chò siáⁿ seng-lí mã tiòh 1-pé chiⁿ. A lí Kim-khò hia-ê tēng-kî--ê, khng leh hō êng, soah bē-hiáu niá chhut-lâi iōng, iâⁿ liáu chiah koh khng tò-tng--khì.”

Saⁿ-táu--ê khi Háp-chok-kim-khò niá 1-tiuⁿ tēng-kî--ê, Kim-seng--á khoàⁿ i chhiú--nih ē gín-phìò, 1-tháh chhiⁿ-chhiⁿ tú-chiah kim-khò niá--chhut-lâi, chhiú-bóe-sim ngiau-ngiau, kâ Saⁿ-táu--ê kóng, “Lí chia ē hiân-kim, nâ bô beh bóe siáⁿ..., lán koh lâi-khì chio Hông--á kap Ōng--á ī bák-chhát-á, chiⁿ ká chiⁿ, iōng iâⁿ--ê chiah ē kín.” Ka-chài Saⁿ-táu--ê hīⁿ-á lâi iáu ē-kì kúi-kù hiân-chhe ē oe, hām-á-hō in i 1-kù, chiⁿ moh--leh tō cháu, khah-thēng oāⁿ poaⁿ-khì Kim-á-tiām hia, kui-tháh chhiām hō Ku--á khi.

Chóng--sī kòe--lâi he tãi-ke-lòk tō siōng-siōng chha 1-jī, ũ chin óa ē pân-sè, tãn-sī m̄-bat koh iâⁿ. Saⁿ-táu--ê jít-jít hóe-kōng-jiát, pài-it tán pài-jī, pài-saⁿ tán pài-sì, khui-chióng ē jít, ná chhiūⁿ teh giàn sio-chiú, tiam phê-ê pō hō-soàⁿ chhiú ē chhoah, tiòh chiⁿ-siáu tē-3-kî. Tãn-sī Ku--á kó-kè, Saⁿ-táu--ê tēng-kî niá iáu-bē liáu, koh khng--i, “Lán chia nâ-sī beh ī tng--ê, khah siōng ài chhōe 1-ê lâi sio-óa. Nâ-sī hām sîn-bēng kong-ke, ki-sút háp-chok, iâⁿ tiòh khah ũ **té-ti**.” Saⁿ-táu--ê chiàu án-ne tng--khì kóng hō Hó--á thiaⁿ, Hó--á mã i, “Chiâⁿ-sit pō-pō tō lâi mng? Ah lí kap Ōng-iâ 30-ni ē kau-chēng, soah bē-hiáu khi Ōng-iâ-keng khùn--1-mê, siōng-bô mã pò lí 1-kì chán--ê.” Saⁿ-táu--ê khi mng Ōng-iâ, tòa Ōng-iâ-keng khùn-mê hó-m̄-hó? Ōng-iâ tãi-khai àm-sī bô-phoāⁿ, chit-ê tō 3-ê **siūⁿ-poe** tap-èng--i. Àm-thâu-á kàu, Saⁿ-táu--ê chháu-chhiòh-á kng--leh, kâ bót kóng, “Góa lâi khi.” He bót in kóng, “Chò lí khi.” Hoaⁿ-hoaⁿ-hí-hí chhiòh-á mōh leh tō lâi, thô-kha chhu--leh tō khùn. Nah chai he biō--nih, ơ-àm ē tiòng-kan báng tēng niáu-chhiⁿ kâ, chháu-nâu kui-mê, khùn bē khi. Péng kóe-lâi péng kòe-khì, **chit-bák-nih** tō beh thiⁿ kng. Hó--á lâi phah mng, bē tãh jíp-mng--lâi tō mng, “A sī kúi-hō?”

Án-ne-siⁿ **bú-lâng** khúi-nâ kang, khùn bē khi tō-sī khùn bē khi. Siūⁿ bô pō, Hó--á khi iòh-pàng bóe ài-khùn-iòh-á *Sí-hó-bîn* lâi hō thun, iū koh sin-khu-piⁿ pài 1-kì pit kap 1-tiuⁿ chóa, kâ hoan-hù, “Ū tō kín siá--khí-lâi, m̄-thang hō bē-kì--tit.” Khó-sioh che *Sí-hó-bîn* thun--lòh-khì, 1-mi hó-khùn kàu thiⁿ kng, bô chò bāng, iā-sī bô kiát-khó. Khí-chhoe Hó--á chá-sī lóng ũ chiàu-khí-kang lâi biō--nih lòng-mng, mng i “Kúi-hō?” Bóe--á mng bô, hoaiⁿ-tit tō bô koh lâi, pàng Saⁿ-táu--ê khùn kàu tàu-tàu, kù-chai i khi. Saⁿ-táu--ê ták-mi lâi biō--nih, chá-bîn oàⁿ-bîn bô bót chhá, kù--lâi tō iā chin koàn-si khi. Kiat-kiók jít-chí chit-kòe 3-kò-goeh, joah--lâng khi liáu chhiu jíp--lâi, ũ chit-àm, chiâⁿ-sit Saⁿ-táu--ê bāng-tiòh 1-ê **kí-khá** ē hó-bāng, in chhù chhái-sek tiān-sī ē tōa gín-bō chhut-hiân 1, 2, 3, 4... ē sò-jī, chit-pai chē-chē, piⁿ--á 1-tōa-pū káu-sái, khoàⁿ--khí-lâi ná-chhiūⁿ 1-tui ng-kim-tiâu... Koáⁿ-kín tō cheng-sîn--khí-lâi, bîn-bîn tiòng-kan pit giáh--khí-lâi, chhiūⁿ teh bú koan-to, chiàu án-ne tòa chóa-téng oe, 1-piàn koh 1-piàn.

Thàu-chá chōng khi Háp-chok-kim-khò pài tē-1-hō, kâ Kim-seng--á kóng, “Tēng-kî--ê chóng niá!” He Kim-seng--á chiah lāng thâu-lō, pháiⁿ-sè **tek-sit**--i, chhiò-chhiò-á in, “Saⁿ-táu--ê, taⁿ lí mã mài kún-chhiò, chhit-chá poeh-chá tō lâi chhòng-ti. A lí tēng-lé-pài siōng-bóe-á hit-tiuⁿ niá khi ah, ná iáu ũ siáⁿ tēng-kî--ê thang-hó niá? Lí khoàⁿ goán Kim-khò chiah tōa-keng, sī ē siⁿ chíⁿ hioh?” Thēng--1-ê koh kóng, “Nâ ài chiⁿ, lán koh lâi-khì chio Hông--á kap Ōng--á ī bák-chhát-á, iōng iâⁿ--ê khah kín lah.” Saⁿ-táu thiaⁿ i kóng beh chio Hông--á kap Ōng--á ī bák-chhát-á, tēng-hōe hō in kà-sī liáu ũ koai iáu ē-kì--tit,

chiok kín chóa thèh leh oát-thâu tō cháu, chhut--lâi phak--tiòh tōa-ke téng ê jit-thâu, chhin-chhiūⁿ jiok-thé siōng kiam cheng-sin siōng táⁿ-kek kòe-thâu, hiān-tiūⁿ chǎaⁿ án-ne thâu-khak sió-khóa koh-iūⁿ khi, chit-lōⁿ sîn-sîn thông tng-lâi kàu chhù. Hó--á tó tī bîn-chhng iáu-bē khí-sin, sin-khu 1-koéh bô chhēng saⁿ, chhiūⁿ tiān-iáⁿ bēng-chhiⁿ sèng-kám pòk-lō. Saⁿ-táu--ê thâu-mơ soàⁿ-iā-iā, chit-tùi káu-bák liáh i ná hùt-á it-tit khoàⁿ. Hó--á mā i, “M̄-bat khoàⁿ--kòe hioh! A lí chiah chá tng--lâi chhòng-siáⁿ?” Chhiú--nih hit-tiūⁿ chóa kǎ chhiúⁿ lâi khoàⁿ, iū-koh m̄-bat jī, chóa-bīn ōe kah ná thian-su, m̄ng i, “Che sī siáⁿ?” Saⁿ-táu--ê thùh 1-pō, kóng, “...Ông...Ông-iā chhiam chit-ki...” Hó--á hoah 1-siaⁿ “Tēng-kī--ê chóng niá!” Ûi bîn-chhng téng thiàu--khí-lâi, sin-khu kng-kng 1-koéh, chhiūⁿ 1-sian chiah pui-pui ê phō-sat, Saⁿ-táu--ê khoàⁿ kah gōng-gōng, hiōng-hiōng chiah kóng, “A taⁿ lí mā mài kún-chhiò, chhit-chá poeh-chá tō lâi chhòng-tī... Lí khoàⁿ he Kim-khò hiah tōa-keng, sī ē sīⁿ chíⁿ hioh?” Chit-chhiú kǎ Saⁿ-táu--ê khiú--leh, chit-thâu-chá lâi kàu Kim-á-tiām, iān-lō mā, “Chiāⁿ-sit chiah bô lō-iōng, liān Ông-iā mā khan-sēng lí bē khí...” Tàh jip tiām--lâi, kiò “Thâu-ke lâi!” Chhāi tī Ku--á bīn-chēng, 1-khō lāng 2-khō tōa, 1-kha kim-chhiú-chí kap 1-tiāu kim-phoah-liān pak--lōh-lâi, chòh tōa po-lé-kui-á téng, “Hiān-kim chóng oāⁿ!” Taⁿ chit-pēng chit-ê Kim-seng--á, chū-sí ũ thau-khoàⁿ tiòh Saⁿ-táu ê pài, kì tī thâu-khak lâi, siūⁿ pháiⁿ-sim, “Nā-sī Ông-iā kong-ke ũ hūn, lán mā lâi 1-hūn, pau iāⁿ--ê.” Iū-koh khi Kim-khò thau niá-chiⁿ, sut Saⁿ-táu ê āu-phàu, lâi Kim-á-tiām chhōe Ku.

Kiat-kó hit-kí khui-chióng--chhut-lâi, tiòh bô poàⁿ-jī, Hó--á kap Saⁿ-táu--ê oan-ke, keh-piah A-goát-á ũ thiaⁿ--tiòh, tōa-sè-siaⁿ, liān Ông-iā mā mā chham--lōh, “Kàn lín-niá! Lí kóng Ông-iā chhiam chit-ki, a taⁿ lán Mōa-tāu chit-ê Ông-iā m̄-tō sī bák-chiu sái kō--leh, chhiⁿ-m̄--ê lah?” Kòe bô jōa-kú, Kim-seng--á thau Háp-chok-kim-khò ê tǎi-chì pòk-hoat, thau-cháu khi bih. Chha-put-to kâng hit-ê chēng-āu, Hó--á iā sit-chong khi, kui Mōa-tāu chhōe-thâu-thâu, tui-tui chiū-sī khiām in 2-ê. Hōng--á in siong-hó--ê hit-ê A-súi, phō-thong-sī hām Hó--á siōng-kài sék, í-chēng píⁿ-píⁿ chēng kam-chiā chhut-sin--ê, kǎu-ōe sī-kè khi iāng, kóng Hó--á tōe Kim-seng--á cháu. Kiat-kó Ông-iā-keng hia, bat Saⁿ-táu--ê bat kah ũ-chhun ê lāng, lóng tông-chēng Saⁿ-táu--ê, in-ũi Hó--á siōng-siōng khi tâu--lāng, hiām Saⁿ-táu--ê bô lō-iōng... Iū-koh 3-kò-goéh í-lâi, keh-piah A-goát-á ũ thiaⁿ--tiòh, Saⁿ-táu--ê àm-thâu-á nā kàu, kǎ Hó--á kóng, “Góa lâi khi.” Hó--á tō lóng hoaⁿ-hí in--i, “Chò lí khi!” Kòe 1-sī-á kú, Kim-seng--á chò-bóe tō lâi, sut Saⁿ-táu ê āu-phàu, bih jip-khi in chhù kap Hó--á chò-phoāⁿ, keh-piah A-goát-á siōng-siōng ũ khoàⁿ--tiòh. Koan-hē chit-tiām, kīn--lâi thiah-jī-sian--ê ũ phēng-lūn, Saⁿ-táu--ê it-seng ũ 2-ê kiap, chhōa-bó chit-ê kiap, kap tēng-kī--ê chit-ê kiap. Taⁿ chit-má ũi-tiòh tǎi-ke-lók, he bó kap tēng-kī--ê lóng ī bô--khi ah, koh kòe--lâi, m̄-kóan che kiáu ũ poáh bô poáh, góa khoàⁿ, Saⁿ-táu--ê iā mā chha-put-to teh beh chhut-thâu-thiⁿ ah chiah tiòh.